

誠齋集

詩 十九之十七

九

南海集

漢書門類	三五〇一	函號	三四五	架	四三	冊
------	------	----	-----	---	----	---

內閣文庫	漢書類	三五〇一	函號	三四五	架	四三	冊
------	-----	------	----	-----	---	----	---

內閣文庫	番號	漢	3501
冊數	43	(9)
函號	316		3



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



誠齋集卷第十五

廬陵楊 万里廷秀

淺草文庫

詩

南海集

庚子正月五日曉過大臯渡

霧外江山看不真只憑雞犬認前村渡船


滿板霜如雪印我青鞋第一痕

危沙崩岸欲侵墻直下清江百尺強過了

筍與元未覺忽然回首冷思量

曉霧

興



不知香霧濕人鬚日照鬚端細有珠政是
春山眉樣翠被渠淡粉作糊塗

送胡端明赴石

紫泥夜下日星暉赤鳥朝看袞繡歸中國
如今相司馬四夷見說問非衣金魚玉帶
明霜鬢斗極台符拱太微衛武年齡子儀
考一身雙美古來稀

晚出郡城往值夏謁胡端明泛舟夜歸

郡城至值夏兩日非寬程奔走豈吾願詔
書促南征出郭星未已歸棹月已生問人

水深淺舟子喧未應言水石代之對淙然落
灘聲危峰起夕蒼暗潭生夜清江轉風颯
至病肩難隱稜添衣初懶尋忍寒良不能
近城一二里遠岸三四燈望闕恐早開驅
舟祗遲行多情半環月久矣將西傾欲落
且小留知我要入城月細光未多大星助
之明至舍心未穩麗譙才一更

之官五羊過太和縣登快閣觀山
谷石刻賦兩絕句呈知縣李紳公
無主簿趙蕃昌父

閣中陳迹故依然欲問風流已百年南岸
一峯東一塔自言曾識老詩仙
廬陵山水說西昌天遣金華印此邦詩本
道他將取去如何遺下一澄江

題龍舞臣遜志齋

龍子辛勤蔣紙田少年筆勢已翩翩欲知
聖處真消息不是原夫一兩聯

二月一日曉渡太和江

綠楊接葉杏交花嫩水新生尚露沙過了
春江偶回首隔江一片好人家

曉翠妨人看遠山小風偏入客衣單桃花
愛做春寒信只恐桃花也自寒

二月初頭春向中花梢薄日柳梢風折花
客子渾無賴狼藉須教滿路紅

晨炊黃宙鋪飯後山行

山行行得軟如綿急上籃輿睡夢間夢裏
只聞人唱道不知過盡數重山

宿灘頭海知寺

平生行路敢求安使要來安也大難古寺
無門更無壁若教半夜作春寒

明發海智寺遇雨

枉教一月費春風不及朝來細雨功
草色染來藍樣翠桃花洗得肉般紅
可惜新年雨未多不妨剝與決天河
農人皺得眉頭破無水種秧君柰何

題太和主簿趙昌父思隱堂

西昌主簿如禪僧日餐秋菊嚼春水
西昌官舍如佛屋一物也無唯有竹
俸錢三月不曾支竹陰過午未晨炊
大兒叫怒小兒啼乃翁對竹方哦詩
詩人與竹一樣瘦詩

句與竹一樣秀故山蒼玉搖綠雲
月梢風葉最關身勸渠未要思舊隱
且與西昌作好春

萬安道中書事

玉峯雲剝逗斜明花徑泥乾得晚行
細細一風寒裏暖時時數點雨中晴
攜家滿路踏春華兒女欣欣不憶家
騎吏也忘行役若一人人插一枝花
桃花薄相點燕脂輪與梨花雪作肌
只有垂楊不脂粉縵金鋪翠觀腰支

萬安出郭早行

苦

觀

謝齋集卷
玉花小朵是山礬香殺行人只欲顛風掠
水夜無處去柳塘着在角頭邊

皇恐灘

兩山夾岸走蒼龍未放中間過玉虹只愛
當頭一峯好一峯外面更三峯
只愁江水去無還石打銀濤倒上灘道是
此灘天下惡古今放過幾樵竿
小煩溪友語陽侯好遣漂沙蓋石頭能費
奔流多少力前頭幸有一沙洲

過皂口

贛石三百里春流十八灘路從青壁絕船
到半江寒不是春光好誰供客子看猶須
一尊綠併遣百憂寬

宿皂口驛

倦投破驛歇征驂喜見山光政蔚藍不柰
東風無檢束亂吹花片點春衫

曉過皂口嶺

夜渡驚灘有底忙曉攀絕磴更禁當周道
碧嶂無人跡圍入青天小冊方半世功名
一雞肋平生道路九羊腸何時上到梅花

嶺北望螺峰半點蒼

道傍小桃

吹盡殘桃無可殘也無地上落花痕獨行
尋到青苔處拾得嫣紅一片看

晨炊皂徑

問路無多子驅車半日間行穿崖石古踏
破蘚花斑綠語鶯邊柳青眠水底山人家
豈無地爭住小溪灣

步過分水嶺

路險勞人殺儂須下轎行石從何代落巖

傍舊根生古樹無今態幽泉有暗聲只言
章貢近猶自兩三程

總分水嶺望鄉

嶺頭泉眼一涓流南入虔州北吉州只隔
中間些子地水聲滴作兩鄉愁

嶺北泉流分外忙一聲一滴斷人腸浪愁
出却廬陵界未入梅山總故鄉

桂源鋪

萬山不許一溪奔攔得溪聲日夜喧到得
前頭山脚盡堂溪水出前村

謝齋集卷
社日南康道中

東風試暖却成寒春恰平分又欲殘淡着
煙雲輕着雨近遮草樹遠遮山人行柳也
花光裏天接江西嶺北間管領社公須竹
葉在家在外匹如閑

小溪至新田

人煙懨懨不成村溪水微茫劣半分流到
前灘忙似箭不容雨點稍成紋
只愛孤峯惹寸雲忽驚頭上雨翻盆北來
南去綠何事路上君看屐子痕

惱

晚雲解事忽離披放出千峯特地竒欲揀
一峯誰子是拗如筆未退尖時

懊惱春光欲斷腸來時長緩去時忙落紅
滿路無人惜踏作花泥透脚香

二月十九日度大庾嶺題雲封寺

梅山未到未教休到得梅山始欲愁知道
望鄉着不見也須一步一回頭

小立峯頭望故鄉故鄉不見只蒼蒼客心
恨殺雲遮却不道無雲即斷腸

梅葉成陰梅子肥梅花應恨我來遲明年

若寄江西信莫折南枝折北枝
行者南來今幾春一回舉似一回新
鉢盂奪得知何用不怕梅花解笑人

題南雄驛外討堂

攜家度嶺夜乘槎小泊凌江水北涯
二月山城無菜把一年春事又揚花
擧頭海國星辰近回顧梅山草樹遮
客子相逢聞好語看山只欠到南華

二月二十三日南雄解舟

昨夜新雷九地鳴今朝春漲一篙清
順流

字乃抄九作幾

更借江風便此去韶州只兩程
水沒蒲牙尚有梢風吹屋角半無茅
急灘未到先聞浪枯樹遙看只見巢

舟過黃田謁龍母護應廟

遠山相別忽相尋水到黃田漸欲深
見說前頭山更好且留好句未須吟
南康名酒有殘樽急喚荷杯作好春
紫幕能排北風冷夕陽偏惜半船溫

舟過謝潭

風頭纔北忽成南轉眼黃田到謝潭
鬢鬢

一峯船外影，褰帷急看紫巉巖。
夾江百里没人家，最苦江流曲更斜。
巖草已青，今歲葉岸蘆，猶白去年花。
碧酒時傾一兩盃，船門纔閉又還開。
好山萬皺無人見，都被斜陽拈出來。

明發階口岸下

破曉篙師報放船，今朝不似昨朝寒。
夢中草草披衣起，愛看輕舟下急灘。

過鄭步

漸有人家松桂叢，韶州山水勝南雄。
未須

青惜峯巒過過了，諸峯得好峯。

過鼓鳴林小雨

浙浙船篷雨點聲，疎疎江面縠紋生。
石峯斗起三千丈，身在假山園裏行。

下瀧小舫戴尖篷，未論千峯與萬峯。
只是舟人頭上笠，也堪收入畫圖中。

明發韶州過赤水，渴尾灘

秀而一
峯最高

船下驚灘浪政喧，花汀水退走沙痕。
一峯忽自雲端出，只見孤尖不見根。

三月一日過摩舍那灘阻雨泊清

溪鎮

一聲霹靂霽光收
急泊荒茅野渡頭
摩舍那灘衝石過
曼陀羅敷漾江流
山繞入眼雲庭斷
船欲追程雨見留
夜宿清溪望清遠
舉頭不見隔英州

過盡危灘百不堪
忽驚絕壁翠巉巖
倒垂不死千年樹
下拼奔流萬丈潭
隔岸數峯如筆格
倚天一色染春藍
真陽此去無多子
到日應逢三月三

小泊英州

人人藤葉嚼檳榔
戶戶茅簷覆土床
只有春風不寒乞
隔溪吹度柚花香
數家草草劣無多
踏水飛鷺也不過
道是荒城斗來大
向來此地看東坡

過真陽峽

玉削雙崖一水通
一重一掩更重重
平生

山水看多少
最愛真陽第一峯

石山四峯
此來第一

高峯絕

莫道無人逕亦窮
尚餘碧篠伴青楓
白雲

謝齊集卷
不是從天降坐看生從翠崦中
仰見青天尺許青無波江水不勝平只驚
白晝山竹裂杜宇初聞第一聲
堪笑跳波數百灘如何入峽頗無喧人言
此峽如巴峽只欠三聲瀆淚痕
榕樹陰中一葦橫鷓鴣聲裏數峯青南人
到此亦腸斷不是南人作麼生
百灘千港幾濤波聚入真陽也未多若遣
峽山生塞了不知江水倒流麼

晨炊光口砦

泊船光口薦晨炊野飯匆匆不整齊新搗
柚花熏熟水旋撈葛芡泥生糞儘教坡老
食全肉未害山公醉似泥過了真陽到清
遠好山自足樂人飢

出峽

朝來入峽悶船遲也有欣然出峽時山色
示如人送客送行倦了自應歸
船行儘緩底須忙詩卷聊堪度日長瓶裏
抽花偷觸鼻忽然將謂是燒香

過沙頭

岸

已

非煙非雨淡濛濛深閉牖扉護晚風船外
山光簾裏翠岸頭花影鏡中紅
過了沙頭漸有村地平江闊氣清温暗潮
已到無人會只有篙師識水痕
昨來飛擄下危瀧不敢窺窻只閉窻莫歎
江平船不進只將行役當遊江

題清遠峽峽山寺

只道真陽天下稀不知清遠亦幽奇攀崖
下照龍湫水細詠東坡老子詩
見說巖中雪色猿嘯聲時出翠微間不看

新月初三夜却覓當時舊玉環

船中蔬飯

食蕨食薺莫食拳食笋食梢莫食根何曾
萬錢方下筋先生把菜亦飽去嶺南風物
似江南笋如束薪蕨作籃先生食籍知幾
卷千巖萬壑皆厨傳

過香口鎮

梳柳葉垂翠羽鮮木綿花暖紫霞翻疾雷
急雨忽開霽淡白雲拂濃清山

清明日欲宿石門未到而風雨大

作泊靈星小海

風雨來從海外天靈星海裏泊樓船坐吟
苦句斟愁酒也是清明過一年
峽山前夕石間行泊得船時破膽驚驚到
今宵已無膽聽風聽浪到天明
石門欲到更無疑隔海風濤未可期到得
石門非不好只愁未到石門時
一生行路竟如何樂事還稀苦事多知是
風波欺客子不知客子犯風波
波濤端不為君休風雨何曾管客愁自古

詩人磨不倒一樽大笑謝陽侯

石門未到未為遲小泊靈星也自奇此去
五羊三十里明朝還有到城時

五羊官舍春盡晚步西園荷橋

波底金鴉奪眼明脚根蟬竦界天橫瘦藤
欲度還休去試數荷錢幾箇生

讀天寶事

日晚無煙起御厨野人豆飯未嫌麋問知
雲子炊香日政是梨花帶雨初

西園晚步

龍眼初如菜豆肥荔枝已似佛螺兒南荒
北客難將息最是殘春首夏時
為愛荷池日日來一來一度眼雙開盡船
不曉風相戲猛觸花堤得倒回

三月晦日游越王臺

榕樹梢頭訪古臺下看碧海一瓊杯越王
歌舞春風處今日春風獨自來
越王臺上落花春一掬山光兩袖塵隨分
杯盤隨處醉自憐不及踏青人

四月八日喜新荔子

一點臙脂染蒂亭忽然紅遍綠衣裳紫瓊
骨酪丁香瘦白雪肌膚午暑涼掌上冰丸
那忍觸樽前風味獨難忘老饕食要啖三百
顆却怕甘寒凍斷腸

夏日書事

一字看成兩霜鬚摘轉多既無書冊分奈
此日長何荔子紅初皺春醅碧欲波醉來
愁自去不去亦從它

四月中休日聞蟬

荔枝葉底暑陰清已有新蟬一兩聲荷露

柳風餐未飽怪來學語不分明

觀書

客從遠方至遺我書一編覽舊眼全痛誦
新神頓還初披愁欲盡久翫醫不妍情知
全佳處閱免復竟篇庶幾槁滓中或瀝腴
一洎終然寂安獲所獲倦且昏倦甚得佳
睡猶勝不得眠

得壽仁壽俊二子中塗家書

二子別我歸兼旬無消息客有饋荔枝盈
籃風露色絳羅蹙寶髻水彈濺^粉液老夫

藍

點

非不饒忍饒不忍喫急呼兩健步為我致
渠側點數川陸程幾日當返役惟愁香味
壞色變那敢惜十日兩騎還千里一紙墨
把書五行下廢書雙淚滴不如未到時當
喜翻不懌

子壯祇覺幼子學祇覺遲二子忽頎然語
離又作悲今年來官下二子暫我隨懸知
住不久且復相從嬉鶴書自天降槐花呼
汝歸伯也恐我愁願留不忍辭仲也慘不
釋飛鳴思及時豈有鳳將雛雛長禁其飛

決焉遣還家一笑更不疑傍人怪全淚淚
入肝與脾
我昔如汝長壯志在四方集賢給筆札秉
燭促夜裝平明出門去振衣不傍徨先君
泣然泣感我令我傷先君顧我語汝行勿
斷腸它日汝養子此悲會身富老懷追陳
迹心折涕泗滂
緜破篋得張欽夫唱和詩
年年不是不吟詩吟得詩成寄阿誰留取
朱絃不須斷只將瑤匣鏤蛛絲

休日

休日
休日稀公事炎天廢故書未湏搔白首留
取試新梳不是平生嬾何緣作計疎閑攜
小兒女橋上看芙蕖

宴客夜歸六言

月在荔支梢上人行抹利花間但覺曾吞
碧海不知身落南蠻
端午後頻熱

只今新暑已歎然作麼禁當六月天飛上
風前最涼處年年輸與柳梢蟬

夏至後初暑登連天觀

登臺長早下臺遲移遍胡牀
無處移不是清涼罷揮扇
自綠午倦歇此時

六月九日曉登連天觀

小立層臺岸幅巾除鷲作伴
更無人曉風草草君知麼
不為高荷水銀

七夕新涼

商量秋思是寒將將息荷花得早涼
五嶺從來說炎熱朝來已怯葛衣裳

嘉定元年春三月男長孺編定

端平元年夏五月門人羅茂良校正

誠齋集卷第十五終

詩
廬陵揚
方里
廷秀

誠齋集卷第十六

廬陵揚
方里
廷秀

詩

南海集

雨霽登連天觀

高臺十日不曾登
雨後搭藤挂晚晴
城外諸峯迎落照
松根細草總斜明
眼穿嶺北書不到
秋入海南愁頓生
只有荷花舊相識
風前翠蓋為人傾

秋夕雨餘

詩齋集卷
虛堂無人獨自行
盡簷雨歇殘點聲
朝來餘暑忽然過
昨來初暑誰能那
一生畏暑如於菟
老年畏暑菟不如
人言嶺南分外熱
匹似江南猶可說
今年六月雨如秋
只今七月當更愁
短檠幸未卧牆角
喚取渠來相博約
老眼那能舒簡編
只要玉蟲伴杯酌

詩
游蒲澗呈周帥蔡漕張舶

勝日從公蒲澗游
萬壑聲滿千崖秋
一逕如虵三百曲
繞盡山腹到山頭
穹巖千仞

爽
款欲裂仰看飛泉
瀉雲窟鏘成環佩
奏成琴濺作珠璣
霏作雪步穿危磴
攀蒼藤忽上穹巖
頂上行人在半天
泉在井不敢下瞰
惟聞聲只恠前驅
深不見須臾却向
前山轉海風吹袖
萬丈長海水去人
一弓遠老僧雲卧
晏未興先遣長松
來道迎小參古殿
黃面老不見舊日
安期生景泰上方
半堵壁城中望
巫雪山白却從景
泰望城中曉日樓
臺煥金碧君不見
中流千壺博一壺
不知游山飢時粥
一盂金印繫肘大

如斗不如游山倦時一杯酒安期飛昇今
幾年祖龍不是不求仙至今年年七月二
十五傾城游人來訪古

得壽仁壽俊二子書皆以病不及
就試且報來期

二子何時到三秋欲畫頭收渠半張紙洗
我一年愁不得毛錐力元非子墨羞海山
寒更碧整駕得同游
滿望鵬飛上誰令馬不前草玄真浪苦叟
白亦每緣兄弟年二十塵埃路四千速來

飲官酒不用一銅錢

送蔡定夫赴湖南提刑

菊後霜前換繡衣湘南嶺北看梅枝還將
方策汗青語拈出園扉草綠時四海幾人
憐我老三年兩作送君詩借令貴殺衡陽
紙半幅安妨慰夢思
方丈蓬萊第一人星軺玉節正青春只今
回鴈峯頭客曾觸神龍領下鱗未遣五紋
朝補袞便應三字夜司綸湘江綠淨不可
唾却要珠璣款唾新

和石湖居士范至能與周子充夜
游石湖松江詩韻

石湖醉眼小太空鳥紗白紵雙鬢蓬翰林
來從昭回上滿袖天香山水中青山半邊
日欲沒珠宮湧出初圓月兩仙一棹軟琉璃
碎撼廣寒桂花雪中流浪作凜不回兩
手播灑千銀堆不知浩浩洪流後曾有茲
遊奇特來古人今人煙一抹誰煎鱗角續
弦絕一生句裏萬斛愁只白秋來千丈髮
遺騎問訊范明州參政報章寄二

絕句和韻謝之

南海人從東海歸新詩到日恰梅時
揆梅細比新詩看未必梅花瘦似詩
一別姑蘇江上臺綠波碧草恨悠哉
忽然兩袖珠璣滿割取三吳風月來

至日薄寒

舊傳冬不到南中今歲南中稍稍冬
曠幕暖吹紅皺起霜橋冷步縞聲
響裁縫苦思詩予首排遣清愁酒一
鍾不是梅花開獨早似憐北客老
相逢

裏

晚登連天觀望越臺山

暮山如淡復如濃煙拂山前一兩重山皆
更將霞萬疋生紅錦障衰青峯

近臘暄甚

霜日知春有信歸臘前偷暖漏春暉北風
也翦寒梢葉吹作鵝黃亂蝶飛

西園早梅

已刻酥花趁臘前更團蠟糝等春妍不知
天巧能多少一朵梅花占兩年
小朵生來使瘦斜葉宮桂殿即渠家只言

瘴雨無南雪為底橫橫枝雪作花

病中夜坐

月流銀漢小徘徊似戀空庭獨樹梅玉漏
聽來更二點燭花翦了暈重開病身不飲
看人醉乾雪無端上鬢鬢來後日老衰知健
否只今六九已摧墮

辛丑正月二十五日遊蒲澗晚歸

桃李深酣日池塘淺試春霽暉搖遠水新
暖軟遊人生酒清無色青梅脆有仁煙鐘
能底急催我入城闔

鐘

二月一日雨寒

南方氣候北方殊春裏清寒臘裏雪雨入
竹林渾不見只來葉尾作真珠
補盡窗櫺閑盡門茶甌火閣對鑪熏中庭
淺水休教掃政要留看雨點紋
梳頭正美睡相催理盡霜絲夢恰回窻隙
小風能幾許也吹蛛網去還來
姚
姚黃魏紫向誰賒郁李櫻桃也沒此却是
南中春色別滿城都是木綿花
只見春晴道是晴不知半夜嫩寒生疾風

吹落林間雨細雨還成大雨聲

姚
謝福建茶使吳德華送東坡新集
黃金白壁明月珠清歌妙舞傾城姝他家
都有儂家立却有四壁環相如此外更有
一床書不堪自飽飽蠹魚故人遠送東坡
集舊書避席皆讓渠兒時作劇百不煩說
着讀書偏起晚乃翁作惡嗔兒癡強遣飢
腸饒蠹簡老來萬事落人後浪取故書遮
病眼病眼逢書輒着花筆下蠅頭成老鷄
病眼將奈故書何故書一開一長嗟東坡

姚

姚

文集儂亦有未及終篇已停手印墨模糊
紙不佳亦非魚網非科斗富沙棗木新雕
文傳刻疎瘦不失真紙如雪繭出玉盆字
如霜鴈點秋雲老來兩眼如隔霧逢柳逢
花不曾覩只逢書冊佳且新把翫崇朝那
肯去東坡癡絕過於儂不將一褐易三公
只將筆頭拄月脇萬古凡馬不足空故人
憐我老愈拙不寄金丹扶病骨却寄此書
來惱人挑落青燈搔白髮

新晴西園散步

久雨令人不出門新晴喚我到西園要知
春事深和淺試看青梅大幾分大音情
池水初生蓋玉沙雨餘碧草卧堤斜日搖
波影纏橋柱繡出藥枝遍地花
紅雨斑斑竹外蹊黃金嫋嫋水邊絲舉頭
揀遍低陰處帶葉青梅摘一枝
厭見山居要出來出來厭了却思回人生
畢竟如何是且看桃花晚卷開
連天觀望春憶毗陵翟園
中和節後社前時春到園林最晚枝弄水

不冰攜扇午登臺猶粟白風肌烏烏聲裏
山光濕花柳陰中日脚遲北望翟園春正
開海棠錦繞雪荼蘼

二月將半寒暄不常

南中冷暖直難齊一日之間具四時脫了
又添添又脫寒衣暑服鎮相隨

二月十三日謁西廟早起

起來洗面更焚香粥罷東窻未肯先古語
舊傳春夜短漏聲新覺五更長近來事事
都乏味老去波波有底忙還憶山居桃李

曉醉醺為枕睡為鄉

寄題蕭國賢佚我堂

軟紅塵裏幾時休重碧杯中且拍浮坐看
癡兒夸絕足可憐到老不回頭幅巾藜杖
聊三徑明月清風自一丘我亦年來厭奔
走夢騎野鶴訪沙鷗

題柳樹

化工到得巧窮時東補西移也大奇春看
梳榔一窠子竹身杏葉海棠枝

春晴懷故園海棠

君

杜

故園今日海棠開夢入江西錦繡堆萬物
皆春人獨老一年過杜燕方回似青如白
天濃淡欲墮還飛絮往來無那風光餐不
得遣詩招入翠瓊杯

竹邊臺榭水邊亭不要人隨只獨行乍暖
柳條無氣力淡晴花影不分明一番過雨
來幽徑無數新禽有喜聲只欠翠紗紅映
因兩年寒食負先生
予去年正月離家
之官蓋兩年不見

初食筆蔗

息

庖鳳烹龍世浪傳猩唇熊掌我無緣只逢
筆蔗杯盤日便是山林富貴天穉子玉膚
新脫錦小兒紫臂未開拳只嫌嶺外無珍
饌一味春蔬不直錢

一
去年上巳前一日欲雨復晴

去年上巳政南來明日初三忽又催雨壓
雲頭渾欲落風翻日脚急吹開莫因嶺外
無花卉便對春光廢酒杯只棟茂林備竹
處蘭亭糗事足追回

寒食對酒

荔支園園花寒食日日雨先生老多病頗
已踈綠醅兒童喜時節英語治樽俎南烹
俱前陳北果亦草具蝻蚌方絕甘筆蕨未
作苦先生欲獨醒兒意難多拒初心且一
杯三杯亦漫許醒時本強飲醉後忽快舉
一杯至三杯一二三四五偶然問兒輩卒
爵是何處兒言翁但醉已忘酒巡數

三月晦日閑步西園

嶺南春去儘從伊元自每花可得飛只有
草花偏稱意強留蝴蝶不教歸

閏三月二日發船廣州來歸亭下
之官憲臺

諸人政坐愛閑遊天遣南游天盡頭到得
廣州天盡處方教回首向韶州

曉過石門回望淨慧塔

昨晚匆匆解畫船石門未到已黃昏設勤
淨慧煙中塔送我今朝過石門

舟行得風晚至靈洲

春盡儂隨去江行興未窮時煩數點雨輕
洒一孤篷岸樹蒼茫外人家點綴中海神

能餞我借與半帆風

棟
明發青塘蘆包

青塘每店亦每人只有青蛙紫蚓聲蘆荻
葉深蒲葉淺荔支花暗練花明船行兩岸
山都動水入諸村海旋成回望越臺煙雨
外萬峯盡處五羊城

過香口江水大漲舟楫不進

北江西水兩相逢香口波濤特地雄萬事
向儂冰與炭一生行役雨和風急流欲上
人聲鬧近岸還移牽去聲路窮河伯喜歡儂

苦惱併將恩怨惱天公

岸沙

水嫌岸窄要衝開細蕩沙痕似剪裁蕩去
蕩來元不覺忽然一片岸沙摧

遣悶

江樹深春色村雞薄晚聲雨添青笠重人
減畫船輕遣悶惟須睡哦詩只強成獨判
連日雨却惜半朝晴

曉發黃巢磯芭蕉林中

清遠山前煙雨濛黃巢磯畔水連空旋莢

蘆荻炊朝飯更斫芭蕉補漏蓬

水落

桑樵垂紅似荔支荻芽如臂與人齊夜來
水落知深淺看取芭蕉五天泥
輕寒瑟瑟入船中閉却船門下却蓬要得
新晴江水落不應更恨打頭風

蠶戶

天公分付水生涯從小教它踏浪花煮蟹
當糧那識未緝蕉為布不須紗夜來春漲
吞沙嘴急遣兒童斲荻芽自笑平生老行

路銀山堆裏正浮家

回望蓄巢磯之險心悸久之

夜雲到曉不教收初日微明又却休雨
為岸花新洗面水撩江草只搖頭千萬百
棹力都竭十里九磯船正愁若到峽中應
更險却思峽外是安流

入峽歌

峽山未到日日愁峽山已到愁却休不是
朝來愁便散愁殺人來山不管昨宵遠望
最高尖今朝近看雲隔簾樓船衝雨過山

下兩扇屏風生色盡江神不遣客心驚雲
去雲來遮巖高忽然寒雲露山脚仰見千
丈翠玉削篙師相賀漲痕落今夕可到鷓
磯泊

峽山寺竹枝詞

峽裏撐船更不行擢郎相語改行程却從
西岸拋東岸依舊船頭不撐
一水雙崖千萬縈有天荒地只心驚無人
打殺杜鵑子雨外飛來頭上聲
龜魚到此總回頭不但龜魚蟹亦愁底事

可

詩人輕老命犯灘衝石去韶州

一灘過了一灘奔一石橫來一石蹲若怨
古來天設險峽山不到也由君
天齊浪自說浯溪峽與天齊真箇齊未必
峽山高爾許看來只恐是天低

峽中得風掛帆

撐船上水不寸步兩山慘慘愁將暮一聲
霹靂天欲雨隔江草樹忽起舞風從海南
天外來怒吹峽山山倒開百夫絕叫推大
鼓一夫飛上千尺桅布帆掛了却袖手坐

看水上鵝毛走

峽

夜泊鴉磯

峽中盡日没人煙船泊鴉磯也有村已被

子規酸骨死今宵茅一莫啼猿

過顯濟廟前石磯竹枝詞

石磯作意惱舟人束起波濤遣怒奔撐折

萬篙渾不枉石磯贏得萬餘痕

大磯愁似小磯愁篙稍寬時船即流撐得

篙頭都是血一磯又復在前頭

泊光口

風平浪靜不生紋水面渾如鏡面新忽有
暗流江底出袞翻水面作車輪

過虎頭磯

虎卧中流扼兩涯目光鬚怒首仍回真陽
峽裏君須記箇是瞿塘灩澦堆

真陽峽

清遠雖佳未足觀真陽佳絕冠南蠻一泉
巔背懸崖出亂灑江邊怪石間來岸對排
雙玉筍此峯外面萬青山險艱去處多奇
觀自古何人愛險艱

夾

夜泊英州

旅病情先惡愁眠夢更驚犬須終夕吠月
到五更明未解波頭意偏來枕底聲平生
厭行路投老正追程

阻風鍾家村觀岸停物化

水蟲總出綠波來細看爬沙上石崖化作
蜻蜓忽飛去幾時飛去却飛回
殼如蟬蛻濕仍新那復浮嬉浪底春却把
今身飛照水不知石上是前身

題鍾家村石崖

莫愛懸崖萬丈高只工險峭作風濤看來
一一生窠眼解與行人着過篙
水與高崖有底冤相逢不得鎮相喧若教
漁父頭笠笠只着蓑衣便是猿

阻風泊鍾家村離英州已三日纔

行二十里

南游端為看山來過眼匆匆首屢回不是
阻風船不進何緣看盡萬崔嵬
滿船兒女厭江行我愛江行怕入城慙愧
風師教款曲為分一舍作三程

檄風伯

峭壁呀呀虎聲口惡灘洶洶雷出吼沂流
更着打頭風如撐鐵船上牛斗風伯勸爾
一杯酒何須惡劇驚詩叟端能為我霽威
否岸柳掉頭荻揺手

嶺雲

好山幸自綠嶄嶄須把輕雲護淺嵐天女
似憐山骨瘦為縫霧縠作春衫

病中止酒

葛衣着了却生寒風勢顛時正上灘客裏

無聊已無奈更教止酒過春殘

江草江花怨阿誰山風山雨總成悲春愁
萬斛無安頻旋旋分張乞小詩

明發陳公徑過摩舍那灘石峯下

遙松煙未銷近竹露猶滴石峯矜孤銳喜
以江自隔清潭涵曦紫碧岫過雲白回瞻
宿處提路轉不可覓

地迴人絕影山僻虎留跡下有無底潭上
有欲落石是間一逕橫來以萬松直樹從
何時有陳公所手植陳公今焉在逕松自

夾

寒碧

昨宵望石峯相去無一天今日行終朝祇
遶石峯側石峯何曾遠江路自不直仰瞻
碧孱顏清峻如立壁反覆得細看何必更
登陟

後顧江已遠前睨山若塞棹進岸自回天
水未有極簾映入絕巘舟愕觸潛石東瞰
澹未熹北吹寒更寂岸草不知愁向人弄
晴碧

澄潭湧暗暈不風自成花回流如倦客出

門復還家江晴已數日新漲沒舊沙如是

前溪雨濕雲尚橫斜

山轉江亦轉江行山亦行風鬟照玉鏡素
練縈青屏我本山水客澹忘軒冕情塵中
悔一來事外懷孤征忽乘滄浪舟仰高俯
深清餐翠腹可飽飲淥身頻輕鷗鷁不相
識還作故園聲

危峯瑩無土平地爰孤石如何半巖間亦
有小樹碧走空根苦辛倚險榦寒瘠芳蘭
間叢生紫蕤濯幽色近香許世聞遠秀絕

茲

人搗而我雲外身方絃唱行役

城中安得山每山安得詩我入五羊城遂
與山水辭有鏡不敢覽塵面我自知解維
來歸亭山水奔相隨水光動我中山色染
我衣舟行將一月恨速不恨遲山雲來未
已江月皎每潭擊平開懷放之入出語頗似
之

我從靈洲來惟見芳草渡蒹葭隨水遠曠
野每立樹掛席上真陽好山忽每數好山
如隱士避世不自露不應官道停乃有見

山處借識衛叔玠未覩樂彥輔石峯難再
得舟過更回顧

南中山絕佳所恨人煙稀畧每好事人結
茅臨深溪峯頂可月亭岸石即釣磯空令
煙中猿掛崖弄連漪山多人自少人遠山
益奇我舟行不留過眼山如馳過眼意已
足久留亦何為

遠峯

孤巖秀何似碧蓮含未開誰將借月斧斲
取一尖來

江上松徑

一日江行百折中回頭猶見夜來峯好山
十里都如畫更與橫排一徑松

上潑瀨灘

清江斜抱嶺根來暗石衝波却倒回幸自
瑤瑤青一片落灘碎作雪花堆

回望摩舍那灘石峯

好山近看未爲奇遠看全勝近看時回望
七峯雲外筍兩峯高絕五峯低

明發白沙灘聞布穀有感

提壺勸我飲杜鵑勸我歸不如布穀子勸
我勤耘耔我少貧且賤不但在置錐筆朱
罌紙田黑水道墨池借令字堪煮識字亦
幾希啼飢如不聞飢慣自不啼駿奔三十
年辛勤竟何爲髮從道塗白面爲風雪初
夜來白沙灘老命輕如絲洪濤舞一葉呼
天叫神祇生全乃偶然人力初何施曉聞
布穀聲如在故山時坐令萬感集初悟半
世非一險靡不悔數悔庸何追有田不歸
耕布穀真吾師

寄賀建康留守范參政端明

衮衣不是未教歸，不合威名滿四夷。天與
中興開日月，帝分萬乘半旌旗。春生錦繡
山河早，秋到江淮草木遲。卧護北門暮月
爾，却尊堂印鳳池。

鳳

一生狂殺老猶狂，只姓先生一瓣香。不為
渠儂在廊廟，每端將相更文章。江南海北
三十里，玉唾銀鈎十萬行。早整乾坤早巖
壑，石湖風月剩分張。

荔枝堂畫憩

著

荔子陰中風絕涼，萑蒲節後日偏長。落殘
數柄荷花葉，浸得一瓶泉水香。多病早衰
非破硯，欲行復倦且胡床。曲江近北差遲
暑，不道江山勝五羊。

風雨

殘風剝雨故欺人，垂箔關牕護病身。自拾
荷花楷面汗，新將筍箨製頭巾。梅天筆墨
都生醜，棊几文書嬾拂塵。帽子一峯青可
撥，隔牆不敢略開門。

謝從善挽詞

一腹儲三篋雙鉤挽萬牛行身平中準閱
世澹於秋紫誥猶新墨霜髯忽古丘清風
未作記挂劍淚川流

送彭元忠縣丞北歸

君從循州來却向饒州去拍天海浪拂日
峯瓊尺裁成錦機句學詩初學陳後山霜
皮脫盡山骨寒近來別具一隻眼要踏唐
人最上關三春弱柳三秋月半溪清冰半
峯雪只今六月每此物君能喚渠來入筆
恰則新鷺百轉聲忽有寒蛩終夜鳴瀟湘

水

故人江漢客為君一夜頭盡白我欠天公
詩債多霜鬣捩盡未償它君懷玉槃金叵
羅合騎天駟超天河如何也鑄一大錯自
古詩人多命薄黃茅起煙如黃沙瘴母照
和曼陀花廣東之游樂復樂勸君不如早
還家

行部決獄宿新隆寺觀鄒至完題
壁

道鄉千古一清風雪壁銀鈎墨尚濃若愛
殿前蒼玉佩斷在身後碧紗籠

題望韶亭

新隆寺後看韶石三三兩兩畧依稀金坑
津頭看韶石十五五不整齊一來望韶
亭上看九韶八音堆一案金鐘大鑪浮水
涯玉瑟瑤琴倚天半堯時文物也履踈禮
樂猶帶鴻荒餘茅茨殿上槌土鼓葦簫聲
外五笙竿黃能郎君走川嶽領取后夔搜
禮樂嶧山桐樹半夜鳴泗水石頭清晝躍
山祇川后辛獻珍姚家制作初一新帝思
南嶽來時巡宮琛廟寶皆駿奔曲江清澈

碧瓊軟海山孤尖翠屏展天顏有喜后夔
知一奏雲韶供亞飯帝登九疑忘却歸不
知斑盡湘笛枝后夔一脛跛莫隨坐委衆
樂江之湄儀鳳奔獸掃金跡獨留一後守
其側至今喚作獅子石雨淋日炙爛不得
洞庭張樂已莓苔捷為獲磬亦塵埃不如
九韶故無恙憂擊尚可冬起雷何時九秋
霜月裏來聽湘妃瑟聲奏曲終道是不見
人江上數峯是誰子

題望韶亭

夾路黃茅與樹齊人行茅裏似山雞長松
不與遮西日却送清陰過隔溪

松鳴竹嘯響千崖底火蒸吹不開自是
筆興趨北去薰風不是不南來

官

翠旌綠纛夾車輪龍作長身鐵作鱗莫笑
道傍數松樹古來老却幾官人

嘉定元年春三月男長孺編定

端平元年夏五月門人茂良校正

誠齋集卷第十六終

誠齋集卷第十七

廬陵楊 万里 廷秀

詩

南海集

南雄驛前雙柳

外討堂前柳絕奇南中無此兩湍絲午風
不動休嫌暑要看枝枝自在垂

南雄解舟

一昨春江上水船即非上水是登天如今
下瀨江空水始信登天却易然

過建封寺下連魚灘

江收衆水赴單槽石壁當流闊雪濤將取
危舟飛過去黃頭郎只兩三篙
夢裏篙師忽叫灘老夫驚殺起來看前船
過盡知無慮末後孤舟膽自寒

六月十八日立秋送客夜歸雨作

青天赤日更黃埃迎送紛紛正往來一夜
炎蒸無計奈三更風雨領秋回人生作麼
禁寒暑世事何如付酒杯遮莫髯間點霜
雪何曾筆下減瓊瑰

送廣帥秩滿之官丹陽

北門卧護要耆英小試曾中十萬兵天借
金山吟落月身兼鐵甕作長城何如嶺上
因歸路摘取梅酸去作羹已有紫泥教詣
闕便應留住付鈞衡

南海元戎禁從臣却昇北斗捧星辰回頭
五嶺忽千里屈指十賢添一人笑別廣平
堂下月歸看太極殿前春一尊話別端何
有綠水青山更白雲

晚步

晚暑立涼可得尋小風一點慰人心斜陽
碎入高榕葉翻作青瑤覆作金

寄題臨武知縣李子西公廨君子亭

王家喚竹作此君周家喚蓮作君子泥中
懷玉避俗塵水上開花超大地紅裳翠蓋
在眼中欲往從之隔秋水牡丹貴人非吾
徒籬菊隱士堪鄰居李侯岸中對芙蓉不
寄新詩來起予

謝朱韞之舍人分送講筵賜茶

吳綾縫囊染菊水蠶砂塗印題進字淳熙

錫貢新水芽天珍誤落黃茅地故人鸞鷲渚
紫微郎金華講徹花草香宣賜龍焙第一
網殿上走趨明月璫御前啜罷三危露滿袖
香煙懷壁去歸來拈出兩蜿蜒雷電晦冥
驚破柱北苑龍芽肉樣新銅圍銀靴鑄瓊
塵九天寶月霏五雲玉龍雙舞黃金鱗老
夫平生愛煮茗十年燒穿折脚鼎下山汲
井得井冷上山搗芽得苦硬何曾夢到龍
遊窠何曾夢喫龍芽茶故人分送玉川子
春風來自玉皇家鍛圭椎壁調冰水烹龍

庖鳳搜肝髓石花紫華可銜官赤印白泥
牛走爾故人氣味茶樣清故人風骨茶樣
明開絨不但似見面叩之咳唾金石聲趨
生勸人墮巾幘睡魔遣我拖書冊老夫七
梳病未能一啜猶堪坐秋夕

荔枝堂夕眺

夕峯樾日半鉦多秋漢吹雲一絮過寂寂
庭松今兩月鶴雛去盡只留窠
病骨秋臞怯暮清涼風偷帶北風輕迎寒
窻隔重糊遍只放書邊數眼明

閏年秋淺似秋深蟋蟀將愁傍砌吟今夕
初三元未覺西樓西角一鈎金

羅仲憲送焯菜謝以長句

學琴自有譜相鶴自有經蔬經我緒盡不
見焯菜名金華詩裏初相識玉友尊前每
相憶坐令芥孫薑子芽一見風流俱避席
取士取名多失真向來許靖亦誤人君不
見鄭花不得半山句却參魯直稱門生

曲江重陽

煙描水寫老秋容嶺外秋容也自濃如見

大賓新露菊若歌高頌曉風松插花醉照
濂溪井吹髮慵登帽子峯莫問明年衰與
健茱萸何處不相逢

九日郡中送白菊

未應白菊減於黃金作鈿心玉作裳一夜
西風開瘦蕾兩年南海伴重陽若言佳節
如常日為底寒花分外香梅葉浮杯莫多
着一枝留插鬢邊霜

擬題綿州推官廳六一堂

唐子西集載謝因為綿州推官推官

之廨歐陽公生焉謝作六一堂求子

西賦詩云即彼生處所館之與周旋

予謂此非子西得意句也輒擬而賦

之

一伏今文伯三巴昔產賢白珩光宇宙藍
水暗風煙有客曾高枕升堂見老仙夢中
五色筆猶為寫鳴蟬

擬進士金波麗鵲詩

曳練為銀漢鎔金作月波桂華斜麗處鵲
鵲得先多雲葉三秋淨菱花一鏡磨宮簷

暉水竹觀影澹星河霧濕殘宵拚霜明欲
曉珂螭頭餘映在劍佩已相摩

督諸軍求盜梅州宿曹谿呈葉景

伯陳守正溥禪師

南斗東偏第一山白頭初得扣禪關祖衣
半似雲來薄金鑰繞開霧作團一鉢可能
盈尺許千年有底萬人看今宵雪乳分龍
焙明日黃泥又馬鞍

曉炊黃竹莊

染練江山宿雨餘枝枝葉葉潤如酥絲窠

瓔珞消多少破費天公百斛珠

瑣灰蕪蕪欲飛聲日到牽牛第幾星地底

陽生人不覺燒痕未冷已青青

城中殊未有梅看莫是冬暄欠淺寒行到

深山最寒處雨株香雪照冰灘

上岑水巔

危峯上面更危峯特地每梯上碧空遙望

白雲生絕頂如今身在白雲中

天上雲泉脚下鳴玉虹倒掛客心驚試教

轉落峯頭石袞到深溪作麼聲

過岑水

石瘦銅苗綠溪腥膽水黃是間
馬跡何處更羊腸惡路今方始
平生夢未嘗如何寒刮骨行得
汗如漿

野炊白沙沙上

半日山行底路塗欲炊
釜店糴釜珠旋將白石支
燃鼎却展青油當野廬
一望平田皆沃壤只生
枯葦與寒蘆風餐露宿
何處我玉饌瓊樓合屬
渠

至節宿翁源縣與葉景伯小酌

此縣誰言是強名古來
十室亦琴鳴只嫌六七
茅竹舍也有兩三雞犬
聲村酒分冬勝虛度霜
風一夜辨新晴半生客
路逢佳節佳節何曾負
半生

至日宿藍坑小民居竹柱荻壁壁皆不土

一路都岑寂藍坑分外
荒屋踈茅送月壁密荻
分霜病趾催趺坐殘更
妬曉光暖寒

曉晴過依藤逕

厭雨欣初霽貪程敢晏眠排天雙壁起受
日一峯先入逕惟逢樹無人况有煙藤深
猿不見聲到客愁邊

古路

我生倦行路此行欣不辭我豈與人異厭
閑樂驅馳王事當有行忘身那自知闔盜
入吾部梅川作潢池白羽飛赤囊碧油走
紅旗履霜戒不早蔓草要勿滋士皆衝冠
怒人挾報國私我行梅始花我歸柳應絲
會當揮螯弧一笑封鯨鯢休愁學確路即

賦競病詩

野炊猿藤逕樹下

逕仄旁無地林開忽有天丹楓明遠樹黃
葉暗鳴泉苔錦銀槍竈蘆葦玉帳擅從軍
古云樂乞與箇山川

泉聲

初聞蟹眼雪花聲忽有仙人玉珮鳴時作
微吟清入骨又成幽咽怨多情問知古澗
飛泉落起看寒泓遠石行欲解塵纓聊一
濯無塵可濯濯纓

羽檄召諸郡兵

閩盜宵窺粵南兵曉盡東軍聲動巖谷旗
影喜霜風貔虎諸方集撓搶一笑空區區
鼠子輩不足奏膚公

明發龍頭

黑甜偏至五更濃強起侵星敢小慵輸與
山雲能樣嬾日高猶宿夜來峯

過烏沙望大塘石峯

城中長懷不見山出城見山如等閑曹溪
過了過岑嶺不惟山巖巖石仍嶺山如可師

癩滿頂石如陳三癭聯頸一路令人眼不
開眼開令人悶不醒烏沙未到一溪橫水清
見底心已清大塘六峯爭出迎水精筆架
琉璃屏兩峯玉筍初出土三峯冰盤釘角
黍一峯新琢金博山霧作沈煙雲作縷忽
然前岡平截斷萬丈青尖餘寸許山神解
憐客子愁平地跳出蒼琳瑯更借天公修
月斧神工一夜忙瑤鏡近看定何者遠看
真可盡山神自賀應自詫古來比地無車
馬

竹魚

晨炊烏沙有賣竹魚者身首如鯽而
厚鱗如鯉而正綠如竹色云
銀魚色如銀竹魚色如竹渭川子畝秀可
掬都將染成一身綠魚生竹溪中家在竹
根菱荇叢晝餐竹葉與竹米夜飲竹露吹
竹風前身王子猷今身赤鱗公只知愛竹
判却命化作此君蒼雪容漁翁夜傍竹溪
宿魚驚釣絲冰底縮朝來釣得水蒼玉先
生笑捫藜莧腹

葦子

空山一雨山溜急漂流桂子松花汁土膏
鬆暖都滲入蒸出葦花團戢戢戴穿落葉
忽起立撥開落葉百數十蠟面黃紫光欲
濕酥莖嬌脆手輕拾響如鵝掌味如蜜滑
似蓴絲每點溢傘不如笠釘勝笠香留齒
牙麝莫及菘羔楮雞避席揖餐玉茹芝當
却粒作羹不可踈一日作腊仍堪貯盈笈
食鷓鴣

江南厭聽鷓鴣曲嶺南初嘗鷓鴣肉年年

細雨落花春鈎斲格磔惱殺人竹雞泥滑
報行客鷓鴣更道行不得方凡百輩買一
隻可惜羽衣錦狼藉

宿小粉村

暮宿溪邊小粉村一峯如筆正當門看來
山色元奩粉拂殺濃藍淺黛痕

塘間

山逢塘間冠南中小大高低十九峯東畔
連尖尤秀絕一雙銅綠翠鋪茸

入波子逕

下一巖上一巖上如登天下如井人言箇
是波子逕猿藤逕裏住居民波子逕裏住
行人冷風蕭蕭日杲杲露濕半青半黃草
前日猿藤猶有猿今此一鳥亦不喧樹盡
紅果草盡藥縱有猿鳥將何餐兩山如壁
岸如削一逕綠空少容脚溪聲千仞撼林
壑崖石欲崩人欲落來日長峯逕更長波
子逕荒未是荒蔣家三逕未入千嶺南三
逕先斷腸

過波子逕五十餘里喬木蔽天遠

問染絕句

林中亭午始微明
楓倒杉傾滿路橫
黃葉青苔深一丈
先生却愛此中行
草光葉潤亦清佳
翠裏生香不是花
一草說來人不信
蕨長如樹蚓如蛇
蘆深石路旋芟開
藤絳肩輿却倒回
蘭蕙連山爲誰好
芭蕉滿谷不緣栽
爲憐上轎劫齒人
看下車行來脚底穿
客子心愁欲暮碧
雲偏作半陰天
晚風寂寂樹陰陰
松不悲鳴竹不吟
只有

清泉逢白石向人刺口說山林

澗泉勸我出山遲
曲曲遮留步步隨
泉自

多情儂自悶
今宵會有出時山

山窮喜見一平川
不似林中不識天
只出此山尖
便散何須更問小行年

過長峯逕遇雨遣悶十絕句

南人謂深山長谷寂
無人煙中通一路者
謂之逕自翁源至河源
其逕有三猿藤波子
各五十里惟長峯餘百
里過者往往霜宿
鑽穴以炊予以半

夜一晝疾行出逕宿秀溪云

說着長峯十日愁夜來發處四更頭莫令
炬火風吹黑未說紅紗絳蠟休

百里如何一日行晴天猶自急追程山雲
管得儂愁雨強做催詩數點聲

野炊未到也飢嗔到得炊邊却可人傘作
旅亭泥處坐水漂地窰雨中薪

石上菖蒲鐵作鬚寸根九節許清臞安期
自是參渠底却重安期不重渠

九萬菖蒲
而仙云

世傳安期
生食蒲澗

一眼空山空復空歌蘆倒菼雨和風却綠

小隊旌旗過教得青楓學着紅
何須人跡到來曾點汗松風澗水聲不是

先生愛山水是間却遣阿誰行
猿藤波子枉驚吓未抵長峯小半塗今夕

前頭何許宿不知出得逕來無
下到危坡斗起泥旁臨崩岸仄邊溪不須

杜句能驅瘴只誦長峯遣悶詩
出得山來未見村已知村近稍多田坐着

雲脚都垂地回望峯頭已入天

猶是輟兒非善地
橘和辨種帶穰災
烏稗不熟還全事
小艇難乘莫載來

明發曲坑

雲橫平野近人低
似穀如紗只隔溪
行到溪東元不見
回頭却復在溪西

露草欣逢曉日新
各將珠琲鬪呈珍
紅光影裏如何揀
顆圓明顆顆勻

明發龍川

山有濃嵐水有氛
非煙非霧亦非雲
北人不識南中瘴
只到龍川指似君

優入蠻溪受瘴煙
一生誰料到龍川
早書寶歷還山考
便是中書九閏年

發通衢驛見梅有感

忙中掠眼雪枝斜
落片紛紛點玉沙
虛過一冬妨底事
不曾欸曲是梅花

過五里逕

瘦日當中暖稍回
冷山未許瘴全開
溪光遠隔深深竹
特地穿簾入轎來

野水奔流不小停
知渠何事太忙生
也無一箇人催促
自愛爭先落澗聲

入山無路出無門鳥語猿聲更斷魂當處
迷塗何處問一溪引我得前村
水出何村尾橋橫亂篠叢隔溪三四屋對
面一雙峯過午非常暖疑他不是冬疎梅
照清淺作意為誰容

宿長樂縣驛驛皆用葵葉蓋屋狀
如櫻葉云

都將葵葉蓋亭中樹似杭榔葉似櫻欲問
天公覓微雲裝成急響打船篷

五

題與寧縣東文巖瀑泉在夜明場
驛之東
竿輿路轉崖欹傾只聞滿山泉水鳴卷書
急看已半失眠不停注耳細聽石如鐵色
黑壁立鏡面平水從鏡面一飛下斬筍織
簟風漪生石知水力倦半壁鐘作天一泓
水行到此欲小憩後水忽至前水驚分清
裂白雨派出跳珠躍雪雙龍爭不知落處深
幾許千丈井底碎玉聲安得好事者泉上
作小亭釀泉為酒不用麴春風吹作蒲萄

綠醉寫泉聲入枯木何處更尋響泉曲

入程鄉縣界

長樂昏嵐着地凝程鄉毒霧噴人腥吾詩
不是南征集只合標題作瘴經

明發梅州

市小山城寂船稀野渡忙金暄梅葉日玉
冷草根霜

霜草

霜前亂碧未全枯霜後紛黃却更蘇偷喫
瑤臺青女粉都生瓊髮與銀鬚

夜宿房溪飲野人張珣家桂葉鹿

蹄酒其法以桂葉為餅以鹿蹄煮

酒釀以八月過是則味減云

桂葉揉青作麪投鹿蹄煮酥趁涼第落杯
筌滑水中水過口森嚴菊底秋玉友黃封
猶退舍齏湯蜜汁更論籌野人未許傳醅
法刺買雙餅過別州

明發房溪

山路姍姍小樹梅為誰零落為誰開多情
也恨無人賞故遣低枝拂面來

青天白日十分晴
轎上蕭蕭忽雨聲
却是松梢霜水落
雨聲那得此聲清

瘴霧

午時猶未識金烏
對面看人一似在臘月
黃茅猶爾許不知八月却何如

南中八月黃茅瘴盛之時

過水車鋪

盡日塗中斷客行
兩邊山色到雲青
溪光搖碎黃金日
波面跳成白玉星
轎裏看書得晝眠
夢中驚浪撼漁船
覺來書卷風吹亂
忘却前篇與後篇

宿萬安鋪

來朝還入鰐魚鄉
未到潮陽到揭陽
休說春風歸路遠
只今去路不勝長

過翠竹洋逕

兩山何許來此焉
忽相尋摩肩不少讓
爭道各載駁喬木
與偕竹相招為茂林
每風生翠寒未夕起
素陰天垂木未近日
到谷底深空山時
自響已動客子心
行至幽絕處更聞啼恠禽

自彭田鋪至湯田道旁梅花十餘里

一行去聲誰裁十里梅下臨溪水恰齊開此
行便是無官事只為梅花也合來

觀湯田鋪溪邊湯泉

下泓堪浴上堪煎陰火熬成未必然海底
日昇波自沸偶分一眼作湯泉

西山下湯田早行見李花甚盛二首

此地先春信年年只是梅南中春更早臘

日李花開

似妬梅花早同時鬪雪膚新年三二月還
解再開

雨中道旁叢竹

竹色豈不好道旁端可嗔只教寒雨裏將
冷洒行人

雨中梅花

霜晴三日不勝佳忽作陰霖送歲華客裏
清愁自無奈却教和雨看梅花

過瘦牛嶺

行盡天涯未遣休梅州到了又潮州平生
豈願乘肥馬臨老須教過瘦牛夢裏長驚
炊劍首春前應許賦刀頭夜來尚有餘樽

在急喚渠儂破客愁

題瘦牛嶺

牛頭定何向牛尾定何指我不灸汝心我
不穿汝鼻如何不許見全牛霧隱雲藏若
相避行行上牛脊上下三十里一雨生新泥
寸步不自致胡不去作牽牛星渴飲銀河
天上水胡不去作帝藉牛天田春風牽黛
耜却來蠻村天盡頭塞路長遣行人愁夕
陽芳草只依舊瘦牛何苦年年瘦

道旁草木

山無人跡草長青異彩奇香不識名只是
苔花兼蘚葉也每半點俗塵生
古樹何年澗底生只今已與嶺般平千梢
萬葉每重數一一分明報雨聲

葵葉

翦笠端能直幾錢騎奴不擬雨連天蓋頭
旋折山葵葉擘破青青傘半邊

過金沙洋望小海

海霧初開明海日近樹遠山青歷歷忽然
咫尺黑如漆白盡如何成暝色不知一風

登

詞苑集卷
何許來霧開還合合還開晦明百變一彈
指特地遣人驚復喜海神在處逞神通放
出一斑夸客子須臾滿眼實胡船萬頃一
碧波黏天恰似錢塘江上望只無兩點海
門山我行但作遊山看減却客愁九分半
揭陽道中
歇穿山徑石嶽嶽喜見川原路坦夷更着
兩行團樹子引人行遠不教知
地平如掌樹成行野有郵亭浦有梁舊日
潮州底處所如今風物冠南方

宿潮州海陽館獨夜不寐

醉來還睡睡還醒長是三更夢便驚細數
更聲有何益不然作麼到天明
臘前蚊子已能歌揮去還來奈爾何一隻
攪人終夕睡此聲元自不須多

謁昌黎伯廟

南海行幾徧東潮欠一來若無韓子廟只
有越王臺文字天垂日興亡草上埃聊吹
鰐溪水灑起六丁雷

題韓亭韓木

老大音韓家十八郎猶將雲錦製衣裳至
今南斗每精彩只放文星一點光

笑為先生一問天身前後兩般看亭前
樹子關何事也得天公賜姓韓

鄧人音嘉定元年春三月男長孺編定

端平元年夏五月門人羅茂良校正

謝齋集

第十七終

一校

